

植物名實圖考

植物名實圖考卷之二十七

固始吳其濬著

蒙自陸應穀校刊

羣芳

藍菊

玉桃

蜜萱

滿天星

淨瓶

蔦蘿松

如意草

金箴

鐵線蓮

金絲桃

水木樺

千日紅

萬壽菊

虎掌花

野茉莉

荷包牡丹

翠雀

秋海棠

金雀

金錢花

玉蝶梅

吉祥草

松壽蘭

貼梗海棠

望江南

盤內珠

半邊月



藍菊

藍菊蒿莖菊葉先菊開花亦如干瓣菊有紅白藍三色種亦有粗細以藍色爲秋菊所無故獨以藍著其早者六月中開故又呼六月菊花鏡藍菊翠藍黃心似單葉菊但葉尖長邊如鋸齒不與菊同

玉桃



玉桃

玉桃葉如芭蕉抽長莖開花成串花苞如小綠桃花開露瓣如黃蝴蝶花稍大偶一有之故人罕見花鏡有地湧金蓮差相彷彿



蜜萱

蜜萱萱之蜜色者花葉俱細弱不易植

滿天星

四

羣芳卷之三十七



滿天星

滿天星野菊中之別種密瓣無數大於野菊或謂黃菊不摘頭則瓣小花多然菊中自有一種千瓣小菊雖摘頭亦如此



淨瓶

淨瓶細莖長葉如石竹開五瓣粉紫花如洋長春而花跗如小
瓶甚長故名



蔦蘿松

蔦蘿松蔓生細葉如松鍼開小筍子花似丁香而瓣長色殷紅可愛結實如牽牛子而小



如意草


如意草鋪地生如車前開四瓣翠藍花有柄橫如翠雀而小



金箴

金箴細莖長葉如指甲開五瓣小黃花比金雀稍大

鐵線蓮



鐵線蓮

花鏡鐵線蓮一名番蓮或云卽威靈仙以其本細似鐵線也苗出後卽當用竹架扶持之使盤旋其上葉類木香每枝三葉對節生一朵千瓣先有包葉六瓣似蓮先開內花以漸而舒有似鵝毛菊性喜燥宜鵝鴨毛水澆其瓣最緊而多每開不能到心卽謝亦一悶事春開壓土移栽



金絲桃

花鏡金絲桃一名桃金娘出桂林郡花似桃而大其色更頽中
莖純紫心吐黃鬚鋪散花外儼若金絲八九月實熟青紺若牛
乳狀其味甘可入藥用如分種當從根下劈間仍以土覆之至
來年移植便活



水木樨

花鏡水木樨一名指甲枝軟葉細五六月開細黃花頗類木樨
中多細鬚香亦微似其本叢生仲春分種



千日紅

花鏡千日紅本高二三尺莖淡紫色枝葉婆娑夏開深紫色花
千瓣細碎圓整如球生於枝杪至冬葉雖萎而花不凋婦女採
簪於鬢最能耐久略用淡礬水浸過暇乾藏於盒來年猶然鮮
麗子生瓣內最細而黑春間下種卽生喜肥

萬壽菊



萬壽菊

花鏡萬壽菊不從根發春間下子花開黃金色繁而且久性極喜肥按萬壽菊有二種小者色豔日照有光如倭段大者名臭芙蓉皆有臭氣

虎掌花



虎掌花

植物名實圖考

虎掌花

虎掌花藥陽山中有之草本綠莖葉如牡丹葉紫花似千瓣萱花而瓣稍短中吐粗紫心一莖他處尠見



野茉莉

五

羣芳卷之二十七



野茉莉

野茉莉處處有之極易繁衍高二三尺枝葉紛披肥者可蔭五六尺花如茉莉而長大其色多種易變子如豆深黑有細紋中有瓢白色可作粉故又名粉豆花曝乾作蔬與馬蘭頭相類根大者如拳黑硬俚醫以治吐血

荷包牡丹

十六

羣芳卷之二十七



荷包牡丹

花鏡荷包牡丹一名魚兒牡丹以其葉類牡丹花似荷包亦以
二月開因是得名一幹十餘朵累累相比枝不能勝壓而下垂
若僂首然以次而開色最嬌豔根可分栽若肥多則花更茂而
鮮黃梅雨時亦可扞活 按此花北地極繁迥江南稀或以爲
卽當歸誤



翠雀

翠雀京師園中多有之叢生細綠莖高二四尺葉多花又如芹葉而細柔梢端開長柄翠藍花橫翹如雀登枝故名

秋海棠



秋海棠

羣芳譜秋海棠一名八月春草本花色粉紅甚嬌豔葉綠色此
花有二種葉下紅筋者爲常品綠筋者有雅趣枝上有種落地
明年自生夏便開黔醫云根治婦科血證

金雀

十九

羣芳卷之三十七



金雀

羣芳譜曰叢生莖褐色高數尺有柔刺一簇數葉花生葉旁色黃形尖旁開兩瓣勢如飛雀春初卽開



金錢花


酉陽雜俎金錢花本出外國名曰毗尸沙一名日中金錢俗名
剪金花梁大同二年進來中土豫州掾屬以雙陸賭金錢金錢
盡以金錢花相足魚洪謂得花勝得錢

羣芳譜一名子午花一名夜落金錢又有一種銀錢

玉蝶梅

三

羣芳卷之二十七



玉蝶梅

玉蝶梅產贛州蔓生紫藤厚葉面青有肋紋背白光滑如紙圖中多植之贛州志作玉疊梅云各邑皆花白色藤本



吉祥草

談薈吉祥草蒼翠如建蘭而無花不藉土而能活涉冬不枯遇
大吉事則花開

松壽蘭

三

羣芳卷之三十七



松壽蘭

松壽蘭產贛州形狀極類吉祥草葉微寬花六出稍大冬開盆
盎中植之秋結實如天門冬實色紅紫有尖滇南謂之結實蘭
土醫云味甘辛治筋骨痠用根浸酒加虎骨膠治遺精加骨碎
補



貼梗海棠

貼梗海棠叢生單葉綴枝作花磬口深紅無香新正卽開田塍間最宜種之花鏡云有四季花者滇南結實與木瓜同俗呼木瓜花其瓜入藥用春間漬以饴或鹽以充果實蓋取其酸澀以資收斂也

望江南



望江南

望江南生分宜山麓田塍叢生一莖一葉葉如蓖麻而大多花
又深錫齒糙絲有微毛抽葶發又開黃花如長瓣細菊花綠蒂
長半寸許如萬壽菊野花大朵此爲碩豔



盤內珠

盤內珠生廬山褐莖叢生對節發枝葉似橘葉梢端抽莖結青膏莢如茉莉而白圓如珠層層攢綴下垂開五尖瓣花黃心數點土人以其白苞勻圓故名



半邊月

半邊月生廬山小樹枝攢生
梢頭葉似繡毬花葉而窄粗紋極
類春開五瓣短筒子花外白內紅似杏花而尖多蕊

植物名實圖考卷之二十八

固始吳其濬著

蒙自陸應穀校刊

羣芳

風蘭

又一種

獨占春

雪蕙

朱蘭

春蘭

虎頭蘭

朵朵香

雪蘭

又一種

夏蕙

小綠蘭

大綠蘭

蓮瓣蘭

元旦蘭

火燒蘭

大理風蘭

五色蘭

大珠砂蘭

小珠砂蘭

佛手蘭

天蒜

蘭花雙葉草

紅花小獨蒜

黃花獨蒜

羊耳蒜

鴨頭蘭花苣

鸞鷯蘭

象牙參

小紫含笑



風蘭

風蘭

風蘭生雲南作叢望之如碧蘆葉微苞莖潤肥對排花與淨瓶無異此種植之盆缶亦茂



植物名實圖考

二

風蘭 一名澤蘭

風蘭生雲南臨安橫根根上先生綠實大如甜瓜有棱形似田家礱碌實上生長柄二葉葉闊寸許光潤無瑕中抽莖開花先有黃籐籐圻落而花見色皓潔如雪蘭中二瓣窄細舌有黃粉邊茸茸如翦絨莖花欹弱翩反欲舞懸之風中不萎桂馥札璞五月開曰淨蕤似瓜生石上兩葉一大一小廣寸許花如雪蘭而小卽此

獨占春

三

羣芳卷之二十八



獨占春

獨占春與虎頭蘭花同而色白潤潔無纖縷心有稀疏褐點開久近帶處微頰幽香雖乏靜趣彌長一莖一花葉細柔同素心蘭其兩三花者爲雪蘭



雪蕙

雪蕙生雲南一枝數花秋未開



朱蘭

朱蘭雲南山中有之葉光潤似銅紫蘭而寬冬間初紅漸淡有香



春蘭

春蘭葉如麝蘭直勁不欹一枝數花有淡紅淡綠者皆有紅縷
瓣薄而肥異於他處亦具香味



虎頭蘭

虎頭蘭碩大多紅絲心尤斑斕有色無香能耐霜雪又一種色
絲無紅縷者名碧玉蘭將殘始露赤脈

朵朵香

羣芳卷之三十八



朵朵香

朵朵香細葉柔荑一箭一花綠者團肥宛如燃蠟黃者瘦長縷以朱絲皆饒清馥又有一箭兩花者名雙飛燕



雪蘭

雪蘭大如虎頭蘭色白微頰心如渥丹一枝或一花或兩花無香

雪蘭

十

羣芳卷之二十八



雪蘭

雪蘭此又一種細鞭線繞中心似筍紅黃渲染亦乏香氣



夏蕙 大理畫

夏蕙葉直如劍迎風不動一莖數花驚黃色五六月開幽香不減素蘭



小綠蘭

小綠蘭葉柔綠幹綠花白舌一莖四五花名春綠又名雲蘭出蒼山石壁香幽和品最貴常在雲氣中也



大綠蘭 大理畫

大綠蘭一本十餘葉一幹十餘花花綠舌紅高出葉外名冬綠



蓮瓣蘭

蓮瓣蘭有紅綠白黃各色白者香尤烈

元旦蘭



元旦蘭

元旦蘭卽蓮瓣之一種葉瘦如韭花白如玉元旦開

火燒蘭

羣芳卷之三十八



火燒蘭

火燒蘭滇山皆有之葉粗黃花背黑似火燒者花碧香烈春杪盛開



風蘭 大理

風蘭葉短幹長花碧生石厓古木上挂檐間卽活

五色蘭

十六

羣芳卷之三十八



五色蘭

大理

五色蘭葉柔小一枝十餘花紅黃紫綠互相間雜滇南蘭之最異者士女珍佩之

大珠砂蘭

七

羣芳卷二十八



大磁砂蘭

大五

大磁砂蘭葉長闊一莖數十花朱色秋開

小殊砂蘭

三

羣芳卷之二十八



小硃砂蘭

大理

小硃砂蘭葉短一莖數花尤韻

佛手蘭

三

羣芳卷之三十八



佛手蘭

佛手蘭生雲南根如蒜大於蔓菁環生衆根如九子芋葉長二三尺似護草寬寸餘光滑細膩同文殊蘭而根色深紫突出土上葉傍逆莖扁闊挺立發苞孕蕾花在苞中鉤屈如佛手柑故名花形開放逼似玉簪紫豔照耀內外六瓣瓣外紫內白中亦紫稍淡五六長鬚黑紫端有橫蕊深黃一苞五六花先後參差可半月餘然老本亦僅一箭新莖未易有花也

天蒜

二

羣芳卷之二十八




天蒜

天蒜雲南圃中植之根葉與佛手蘭無異唯花色純白紫鬚綠
繞橫綴黃蕊按閩中金燈花亦名天蒜未知與此同異

蘭花雙葉草

三三

羣芳卷之三十八



蘭花雙葉草

蘭花雙葉草生滇南山中雙葉似初生玉簪葉微有紫點抽短莖開花如蘭上一大瓣下瓣微小兩瓣傍抱中舌厚三四分如人舌正圓色黃白中凹嵌一小舌如人咽色深紫花瓣皆紫點極濃土醫云此真蘭花雙葉草也滇本草所載卽此

紅花小獨蒜

四

羣芳卷之三十八



紅花小獨蒜

紅花小獨蒜根如小蒜大如指葉如初生茅草高五六寸傍發紫箭開小紫紅花五瓣微尖亦似蘭花而極小心尤嬌豔土人云與黃花者一類大小二種



黃花獨蒜

名老鴉蒜

黃花獨蒜生雲南山中根如小蒜葉似初生櫻葉而窄又似虎頭蘭葉而短有皺傍發箭開五瓣黃花紫紅心似蘭花白及輩而瓣圓短

羊耳蒜

羣芳卷之二十六



羊耳蒜

羊耳蒜生滇南山中獨根大如蒜赭色初生一葉如玉簪葉卽從葉中發莖開縐色花中一瓣大如小指甲夾以二尖瓣又有三尖瓣翹起蓋黃花小獨蒜之種族



鳴頭蘭花草

鳴頭蘭花草生雲南太華諸山黑根細短尖葉內翕抱莖齊生似玉簪抽葶葉而長又肥內綠外淡有直勒道莖梢發又開白綠花微似蘭花有柄長幾及寸三瓣品列中瓣後復有一大瓣色淡花心有紫暈微凸心下近莖出雙尾白縷如翦燕尾分翹野卉中具纖巧之致



鷺鷥蘭

鷺鷥蘭雲南園中多有之葉如葭草翕而皺夏抽葶開花六瓣
六蕊瓣白蕊黃間以細鬚志謂之鷺鷥毛以其潔白纖細如執
鷺羽舒苞襯萼沐露刷風佇立階墀靜態彌永桂馥札璞謂爲
蘭之別派無香有韻覺虎頭碩大神意皆癡

象牙參



象牙參

象牙參生滇南山中初茁芽卽作苞開花如白及花而多窄瓣
一苞四五朵陸續開放花罷生葉似吉祥草而闊根如麥門冬
土醫云治半身不遂痿痺弱證



小紫含笑

小紫含笑生雲南山中紫莖抱葉梢垂紫苞開口如笑內露黃
白瓣掩映參差難爲形擬一名青竹蘭